



BASHKIA FIER

Adresa : Lagja "Kastriot", Rruga "Brigada e XI Sulmuese"; Tel/Fax : 034 410 636; www.bashkiafier.gov.al

Nr. 2858/7 Prot.

Datë 07/06/2017

KONTRATE SIPERMARRJE ME OBJEKT :

**"REHABILITIM I FASADAVE DHE RIK I RR R.NALLBANI DHE RRJETEZIM I
TERMINALIT I AUTOBUZEVE"**

Drejtuar : Drejtoria e Punëve Publike
Këtu

PALËT :

- ❖ AUTORITETI KONTRAKTOR : BASHKIA FIER
- ❖ KONTRAKTOR : B.O. A.L-ASFALT SHPK & EURONDERTIM 2000 SHPK




KONTRATE SIPERMARRJE

“Rehabilitim i fasadave dhe rikonstrukcion i rruges Rauf Nallbani dhe rrjetezim i terminalit i autobuzeve”

Lidhur sot, më 07/06/2017 midis Bashkise Fier, perfaqesuar nga Kryetari i Bashkise z.Armando SUBASHI nga njera ane dhe bashkimit te perkohshem te shoqerive “A.L – ASFALT” shpk Durres & “EURONDERTIMI 2000” shpk Tirane, me perfaqesues ligjor te tyre z.Luan MEMA dhe z.Qani SARAÇI nga ana tjeter, te quajtur perkatesisht ketu e me poshte, Autoriteti Kontraktor (AK) dhe Kontraktori.

PERKUFIZIME:

- 1.“Kontrate” do te thote Kontrate Siper marrje, me permbajtje dhe termat ne tekstin si me poshte. “Kontratë” do të thotë marrëveshja e shkruar e lidhur midis Autoritetit Kontraktor dhe Kontraktorit që përbëhet nga dokumentat e tenderit duke përfshirë KPK dhe KVK, të gjitha bashkëngjitjet dhe formularët e plotësuar dhe të gjitha dokumentat e tjera që përfshihen në referimin e çdo dokumenti.
- 2.“Vlefte e Kontrates” eshte vlefte e plote ne leke perfshi TVSH e fituar ne tenderin e dates 08.05.2017 te organizuar ne Bashkine Fier per ndertimin e ketij Objekti.
- 3.“Objekt” do te thote “Rehabilitim i fasadave dhe rikonstrukcion i rruges Rauf Nallbani dhe rrjetezim i terminalit i autobuzeve” Fier, sipas Projektit te miratuar dhe Preventivit e Specifikimeve teknike te dhena e te pranuar ne tender.
- 4.“Autoriteti Kontraktor” eshte BASHKIA FIER.
- 5.“Kontraktor” eshte bashkimi i perkohshem i shoqerive “A.L – ASFALT” shpk Durres & “Eurondertimi 2000” shpk Tirane , themeluar sipas Kontrates per Bashkepunim, perpara noteres Klodiana M. Hoxha me Nr.1464 Rep. e Nr.517/2 Kol. date 06.05.2017 me pjese takuese 70% per “A.L – ASFALT” shpk Durres dhe 30% per “Eurondertimi 2000” shpk Tirane. Perfaqesuesi ligjor i “A.L – ASFALT” shpk Durres z. Luan MEMA perfaqeson ne kete Kontrate Bashkepunimi te shoqerive ne perputhje me vullnetin e shprehur nga palet.
- 6.“Preventiv” do të thotë volumet e punes te dhena ne projekt shoqeruar me cmimet per njesi te pandryshuara që janë pjesë e Ofertes në një kontratë me punime ne matje.Volumet dhe cmimet per secilin ze jane pjese e Ofertes Fituese dhe pjese e kesaj kontrate.
- 7.“Situacion Pjesor” do te thote situacioni per nje pjese te punimeve te preventivit, ku percaktohen zerat, volumet me matje, cmimet e fituara ne tender, vlefte e tyre, TVSH-ja dhe Vlefte me TVSH.
- 8.“Situacion Perfundimtar” do te thote situacioni per punimet e plota te percaktuara ne preventiv, ku percaktohen zerat, volumet me matje, cmimet e fituar ne tender, vlefte e tyre, TVSH-ja dhe Vlefte me TVSH, brenda vleres se fituar ne tender.
- 9.“Data e kryerjes se plote” do te thote data qe ndertimet duhet te mbarohen sic eshte shprehur ne grafikun per kryerjen e Ndertimeve.
- 10.“Kryerja” do te thote data e vertetuar se Ndertimet jane mbaruar.
- 11.“Difekt” do te thote cdo pjese e ndertimeve e perealizuar ne perputhje me specifikimet teknike te kontrates.
- 12.“Data e hyrjes” do te thote data qe Autoriteti Kontraktor lejon Kontraktorin ne Objekt dhe marrjen prej tij ne dorezim te Sheshit te Ndertimit me proces-verbal.
- 13.“Materiale” do te quhen te gjitha furnizimet duke perfshire edhe ato te konsumueshme, cilesia e te cilave vertetohet me certifikate, te perdorura nga Kontraktori per trupezimin e tyre ne ndertimin e objektit.
- 14.“Standarte Teknike” do te thote specifikimet e aprovuara nga një trup i posaçëm standartizimi për zbatimin e vazhdueshëm ose të përsëritur. Standarte të tilla përdoren si rregulla, rregullore ose përkufizim të karakteristikave për të siguruar se materialet dhe shërbimet e procesuara përgjigjen qëllimit



15. "Mbikqyresi i punimeve" (Supervizori) do te thote subjekt fizik/juridik i licensuar me te cilin AK ka lidhur Kontrate Mbikqyrje per ndertimin e Objektivit. Detyrat dhe pergjegjesite e tij jane percaktuar ne U.K.M. nr. 3 date 15.02.2001 "Per Mbikqyrjen dhe Kolaudimin e Punimeve te Ndertimit" te ndryshuar, U.K.M. Nr.2 date 13.05.2005 "Per zbatimin e punimeve te ndertimit" dhe paraqiten ne Kontraten e Mbikqyrjes.
16. "Kolaudatori" do te thote subjekt fizik/juridik i licensuar me te cilin AK ka lidhur Kontrate per Kolaudimin e Objektivit. Detyrat dhe pergjegjesite e tij jane percaktuar ne U.K.M. nr. 3 date 15.02.2001 "Per Mbikqyrjen dhe Kolaudimin e Punimeve te Ndertimit" te ndryshuar dhe paraqiten ne Kontraten e Kolaudimit.
17. "Ndertime" do te thote Projekt i Zbatimit dhe Preventivi i Zbatimit, pjese perberese e Kontrates.
18. "Llogaritja e afateve" Të gjitha referencat e ditëve do të jenë ditë kalendarike me përjashtim kur parashikohet ndryshe.
19. "Afati i Garancise se Punimeve" do te thote periudha prej **24 muaj** e cila fillon nga data e aktit te kolaudimit te punimeve, gjate te ciles Kontraktori riparon me shpenzimet e tij cdo difekt qe ka ardhur si pasoje e cilesise se punimeve te kryer prej tij.
20. "Garancia e Punimeve", eshte vlera prej **5%** e vlefes se situacionit perfundimtar te miratuar.
21. "Baza ligjore" Kontrata do t'i nenshtrohet, do te qeveriset dhe do te interpretohet sipas ligjeve dhe dispozitave nenligjore ne fuqi te Republikes se Shqiperise, perfshire te gjitha dokumentat e tenderit dhe te ofertes se Kontraktorit te cilat jane pjese e kesaj kontrate sipas permbajtjes se tyre.
22. "Force Madhore" do te thote nje ngjarje qe nuk mund te kontrollohet nga palet, ku perfshihen, por nuk jane te limitizuara, lufta, revolucionet, zjarri permbytja, termeti, epidemite, karantina, embargo tranziti, etj.

I. OBJEKTI I KONTRATES

"Rehabilitim i fasadave dhe rikonstruksion i rruges Rauf Nallbani dhe rrjetezim i terminalit i autobuzeve" Fier, sipas Projektit, Preventivit te miratuar me zera e volume dhe specifikimeve teknike te pranuar ne tender te cilat jane pjese perberese e kesaj kontrate dhe perbejne detyrim ligjor per zbatim nga palet ne kete kontrate.

II. VLEFTA DHE AFATI I KONTRATES

Vlefte e fituar ne tender per perfundimin e punimeve ne total sipas preventivit është pa TVSH **118 674 808 lekë** (njqind e tetembedhjetë milion e gjashteqind e shtatedhjetë e kater mije e teteqind e tete) dhe me TVSH **142 409 769 lekë** (njqind e dyzet e dy milion e katerqind e nente mije e shtateqind e gjashtedhjetë e nente), dhe afati i kryerjes se punimeve eshte **6 (gjashte)** muaj.

Çmimet e kontraktorit për Punët e kryera sipas kontratës nuk ndryshojnë nga çmimet e ofruar nga kontraktori në ofertën e tij.

Ne vlefte totale te mesiperme perfshihet TVSH, si dhe te gjitha detyrimet e tjera fiskale ne Republikën e Shqiperise.

III. TE DREJTAT DHE DETYRAT E AK

1. Te njohe zyrtarisht Kontraktorin me Mbikqyresin, Kolaudatorin, si dhe t'i dorezoje atij nga nje kopje te Kontrates se Mbikqyrjes dhe Kontrates se Kolaudimit. Nga ana e Bashkise Fier do te vendoset nepermjet procedures se prokurimit, si perfaqesues prane sipermarresit, mbikeqyresi i punimeve.
2. Te marre te gjitha njasat pergatitore per lirimin e Sheshit te Ndertimit dhe te lejoje Kontraktorin te hyje ne Objekt dhe ta dorezoje ate me proces-verbal ne prani te Mbikqyresit.



3. Nëse disponimi i ndonjë pjese të kantierit nuk jepet brenda datës së hyrjes për kantierin ose asaj pjese të kantierit siç parashikohet në dokumentat e tenderit, do të konsiderohet se Autoriteti Kontraktor ka vonuar fillimin e zbatimit të kontratës dhe Kontraktori i lind e drejta të kërkojë amendimin e kontratës në lidhje me shtyrjen e Afatit të Mbarimit. *Autoriteti Kontraktor dhe Kontraktori do të mbajnë procesverbal për datën e hyrjes.* (Neni 18 i KPK tek DST)
4. Brenda dates se hyrjes te siguroje te gjitha lejet e nevojshme ligjore ne menyre qe t'i krijojë kushte pune normale Kontraktorit.
5. Te miratoje situacionin pjesor dhe situacionin perfundimtar te paraqitur e te miratuar nga Mbikqyresi.
6. Te asistojë ne procesin e kolaudimit perfundimtar te Objektivit.
7. Ka te drejte qe per te realizuar me se miri anen funksionale te Objektivit, te beje ndryshime jo thelbesore ne Projektin e Zbatimit dhe ne Preventivin e Zbatimit. Ndertimet shtesë mund të porositen vetëm në rrethana të përcaktuar në LPP dhe U.K.M. Nr.2 date 13.05.2005 "Per zbatimin e punimeve te ndertimit" dhe me kusht që shtesa e kontratës të mos i kalojë 20% të çmimit origjinal të kontratës.
8. Autoriteti Kontraktor në çdo kohë, mund të porosisë kontraktorin të bëjë ndryshime brenda qëllimit të përgjithshëm të kontratës në secilin nga elementët e mëposhtëm (neni 36.3 i KPK ne DST):
 - a) Korrigjime në projektin, vizatimin ose specifikimet e Punëve
 - b) Korrigjime në materiale
 - c) Korrigjime në sasi
9. Përpara se të kërkojë një ndryshim, Autoriteti Kontraktor dhe kontraktori duhet të bien dakort për çdo rritje ose ulje të çmimit të kontratës dhe/ose ndryshim në grafikun e zbatimit ose përfundimit që është shkaktuar nga ndryshimi. Porosia e ndryshuar duhet të materilizojë amendamentet e marreveshjes. Autoriteti Kontraktor nuk ka të drejtë të nxjerrë pretendime për pajtimin me ndryshimin e porositur përveç rregullimeve të siguruara në amendamentet e marreveshjes.
10. Te marre ne dorezim Objektivin pas kolaudimit perfundimtar.
11. Te vëri ne shfrytezim Objektivin dhe pas perfundimit te Afatit te Garancise te leshojë certifikaten e garancise se punimeve.
12. Te verifikojë kryerjen e riparimit te difekteve te ndodhura dhe per ato qe nuk jane eliminuar llogarit koston e ndreqjes se tyre dhe bene ndalesen nga vlefte e garancise se punimeve.
13. Autoriteti Kontraktor mund të ndërpresë kontratën në tërësi ose pjesërisht nëse:
 - a) kontraktori dështon në kryerjen e punëve brenda periudhës së specifikuar në kontratë ose brenda zgjatjes së dhënë;
 - b) kontraktori dështon të zbatojë ndonjë detyrim tjetër të kontratës.

Autoriteti Kontraktor duhet t'i japi kontraktorit njoftim me shkrim për ndërprerjen për mosplotësim të detyrimeve dhe kushteve të kontratës për një afat 15 ditë të plotë kur të plotësojë ato, me përjashtim të rasteve kur ndërprerja është bërë për veprime të korruptuara ose të paligjshme, rast në të cilin ndërprerja do të jetë e menjëhershme.

IV. TE DREJTAT DHE DETYRAT E KONTRAKTORIT (SIPERMARRESIT)


1. Te siguroje Kontraktoren ne daten 10% te vlefes totale te kontrates para lidhjes se saj. Sigurimi i Kontrates te bëhet ne formen e Garancise Bankare ose Sigurimit ne nje nga shoqerite e sigurimeve te licensuara.



- 4 -



2. Kontraktori është i detyruar të sigurojë pranë shoqërive të sigurimit, nga Data e hyrjes në objekt deri në Afatin e Mbarimit të punimeve, të gjitha elementet e përcaktuar në piken 6.1 të Shtojcës 18(KVK) të DST, në përputhje me legjislacionin në fuqi.
3. Të marrë në dorezim Objektivin duke reflektuar në proces-verbalin përkatës gjendjen teknike të tij.
4. **Data e fillimit të punimeve është data e marrjes së Objektivit (sheshit të ndërtimit dhe lejes së ndërtimit) në dorezim si dhe emerimit të mbikqyresit të punimeve nga AK.**
5. Menjëherë pas lidhjes së kontratës, Kontraktori duhet t'i paraqesë mbikqyresit të punimeve një program plani që tregon metodat e përgjithshme, rregullimet, porositë, afatet dhe rrugët kritike për aktivitetet e Punimeve.
6. Të caktojë drejtuesin/it teknik të tij në përputhje me licencën e paraqitur në tender, të cilet do të drejtojnë të gjitha punimet për zbatimin e Projektit të Zbatimit dhe të njoftojë zyrtarisht Mbikqyresin e punimeve dhe AK, duke paraqitur edhe dokumentacionet ligjore të tij/tyre.
7. Të njohë, të respektojë termat e Kontrates të Mbikqyrjes dhe Kontrates së Kolaudimit dhe t'i krijojë kushte normale pune Mbikqyresit dhe Kolaudatorit.
8. Të realizojë Projektin e Zbatimit në përputhje me Specifikimet Teknike dhe t'i perfundojë punimet në përputhje me volumet e punës për çdo zë të preventivuar për jo më shumë se **6 muaj**.
9. Të pranojë çdo ndryshim jo thelbësor të miratuar nga Investitori në Projektin e Zbatimit dhe në Preventivin e Zbatimit brenda vlerës së Kontrates.
10. Gjate kryerjes së punimeve, të njoftojë në kohë dhe zyrtarisht Investitorin për ato raste të mospërputhjes së Projektit të Zbatimit dhe të Preventivit të Zbatimit. Deri në paraqitjen zyrtare të qendrimit të Investitorit për çështjet e ngritura, Sipërmarrësi duhet të ndërprejë (pëzullojë) punimet.
11. Periudha e ndërprerjes së punimeve duhet të pasqyrohet në Proces-Verbalin përkatës dhe të vertetohet nga Mbikqyresi i punimeve. Periudha e ndërprerjes të punimeve për arsye të shprehura në piken 9 të kapitullit IV, merret në konsideratë për llogaritjen e afatit të përfundimit të punimeve, duke shtyrë afatin e dorezimit të punimeve për atë kohë sa zgjat ndërprerja e punimeve.
12. Autoriteti Kontraktor, mund të jetë dakort për zgjatje të afatit edhe në rrethana të tjera nëse është në interesin publik për ta bërë këtë. Në rast se Kontraktori ndeshet me kushte që pengojnë zbatimin në kohë, Kontraktori duhet të njoftojë menjëherë Autoritetin Kontraktor me shkrim për vonesën, shkakun dhe datën e propozuar të dorëzimit ose përfundimit. Autoriteti Kontraktor duhet të vlerësojë kërkesën. Nëse Autoriteti Kontraktor është dakort me vonesën, zgjatja do të hyjë në fuqi me një amendament me shkrim të kontratës të nënshkruar nga Autoriteti Kontraktor dhe Kontraktori.
13. Të sigurojë vetë transportin, makineritë, fuqinë puntore, drejtimin teknik dhe bazën materiale të nevojshme në përputhje me specifikimet teknike dhe dokumentat e paraqitur në tender dhe të paraqesë certifikatat e vlerësive të tyre. **Nuk i lejohet që rolin e sipërmarrësit t'ia japë subjekti tjetër.**
14. Të paraqesë tek AK për miratim dhe për të realizuar likuidimin e punimeve, Situacion/e të pjesëshme/e për punimet e kryera dhe Situacion Përfundimtar. Situacionet të jenë të miratuara edhe nga Mbikqyresi i Punimeve.
15. Të njoftojë me shkrim AK për datën e përfundimit të punimeve dhe kërkesën për kolaudimin dhe marrjen në dorezim të Objektivit. Ky njoftim duhet të bëhet jo më vonë se **5 (pese) ditë** para datës së përfundimit të punimeve.
16. Defektet të zbuluara gjatë procesit të kolaudimit dokumentohen dhe nga kolaudatori lihen detyra dhe afate me përmasa të ndërcaktuara, këto kosto do të perballohen nga Kontraktori.



17. Kontraktori mban përgjegjësi dhe përballon rreziqet për demtimin dhe humbjen e materialeve dhe pronës publike e private të të treta, plagosjen, demtimin apo vdekjen e punonjësve të tij apo personave të treta nga mosrespektimi i rregullave të sigurimit teknik etj. Kontraktori mban përgjegjësi për zbatimin e akteve ligjore e nenligjore në fushën e ndertimeve.
18. T'i paraqese Mbikqyresit të Punimeve dhe Kolaudatorit të gjithë dokumentacionin shkresor të perditesuar dhe perfundimtar, si dhe certifikatat e provave të përdorura në Objekt, të cilat mbas verifikimit dhe pranimit i administrojnë në dosjen e Objektivit.

V. TË TJERA

1. Menyra e komunikimit midis paleve do të jetë vetëm me shkrim. Bashkia Fier në bazë të Kontrates së Bashkupnimit të këtyre shoqërive njihet dhe mban kontakte me përfaqësuesin e autorizuar të këtij bashkimi, shoqërinë "A.L-Asfalt" shpk Durrës.
2. Kontraktuesi merr përsipër të gjitha përgjegjësitë dhe detyrimet përpara Bashkisë Fier, si përsa i përket cilësive të punimeve, afatit të kryerjes së tyre dhe çdo përgjegjësi tjetër të ligjshme që do të rrjedhë nga kjo kontratë Sipërmarje, bazuar në nenin 431 të Kodit Civil të R.SH.
3. Për çdo çështje që lind gjatë zhvillimit të punimeve, midis paleve kryhen negociatat për zgjidhjen e tyre.
4. Në qoftë se Kontraktori braktis Objektivin pa e përfunduar atë, duke zgjidhur Kontraten në mënyrë të njëanshme, Ai detyrohet të paguajë dëm që i shkakton Bashkisë Fier dhe Garancinë e Kontrates.
5. Të gjitha materialet, Ngritja e Kantierit dhe Punët e përfunduara do të bëhen pronë e Autoritetit Kontraktor nëse kontrata ndërpritet për mosplotësim të kushteve të saj.
6. Palet nuk çlirohen nga çdo përgjegjësi për mos zbatimin e termave të kësaj e Kontrate, përveç se në rast të veprimtimit të forcave më të forta të vertetuara nga Institucionet Zyrtare.
7. Kontraktori, Mbikqyresit i punimeve dhe Kolaudatori janë të detyruar të kontaktojnë zyrtarisht me Specialistin e Investimeve pranë Drejtorisë së Përgjithshme të Shërbimeve Publike të Bashkisë Fier, pasi ky i fundit do të jetë personi i kontaktit i cili do të monitorojë gjithë procesin e zbatimit të punimeve, për këtë objekt kontratë.
8. Për çdo ditë vonese tej afatit të punimeve, Kontraktori është i detyruar t'i paguajë Investitorit, **gjobe në masën 4/1000** të vlerës koresponduese të mbetur pa u zbatuar nga cmimi total i kontratës, por kjo vlerë do të llogaritet minimalisht mbi 25% të vlerës së kontratës.
9. Shpërblimi për demet e shkaktuara si rezultat i vonës në pagesë konsiston në kamatën e arritur nga data e fillimit të vonës së debitorit (Autoriteti Kontraktor), në monedhën zyrtare të vendit ku do të bëhet pagesa. Përqindja e kamates parashikohet me ligj. Në fund të çdo viti kamatat e arrira i shtohen shumës totale, mbi të cilën është bërë llogaritja e tyre.
10. Veprimet financiare për llogaritjen e kësaj Kontrate do të kryhen me shoqërinë "A.L-Asfalt" shpk, në Bankën Kombëtare Tregtare (dega Durrës) nr. e llogaritjes Nr.404353231 dhe IBAN AL7520512046353231CLPRCLALLA.
11. Çdo mosmarrveshje që do të lindë gjatë zbatimit të kësaj Kontrate, palet do të zgjidhin me mirekuptim, në të kundërt do t'i drejtohen Gjykatës së Rrethit Fier.
12. Pjesë përbërëse e kësaj Kontrate janë edhe Projekti i Zbatimit dhe Preventivi i Zbatimit me cmime që është paraqitur në tenderin nga Sipërmarjesi si dhe Specifikimet Teknike të punimeve të pranuar dhe Grafiku i Punimeve.



- 6 -



13. Çertifikata e Garancise se Punimeve leshohet pas perfunimit te Afatit te Garancise qe eshte **24 muaj**, pasi Kontraktori, Mbikqyresi, Kolaudatori dhe AK kane inspektuar Objektin dhe kane konstatuar qe nuk ka difekte dhe punime te pakryera si dhe qe ai funksionon ne perputhje me Projektin.
14. Per difektet qe nuk jane ndrequr gjate Afatit te Garancise se punimeve te ndertimit, AK llogarit koston e ndreqjes se tyre dhe bene ndalesen nga vlera e Garancise se punimeve qe eshte ne masen **5%** te vleres totale te Kontrates.
15. Çmimet e punimeve do te jene ato te fituara ne tender, sipas preventivit te paraqitur nga Sipermarresi.
16. Bashkia Fier mund te beje ne çdo kohe porosi tek Kontraktori per te bere ndryshime (specifikime teknike) brenda qellimit te pergjithshem te kontrates.
17. Kontraktori eshte i detyruar qe te njoftoje dhe te rakordoje perpara, ne vazhdim dhe ne perfundim te punimeve me KESH, ALBTELEKOM, UJESJELLES-KANALIZIM sh.a per zgjidhjen bashkarisht te problemeve te infrastruktures se tyre, qe te jene prezente me specialistet e tyre kur do te kryhen punime te cilat kane te bejne me proceset teknike-specifike apo me levizjet e materialeve ose objekteve te cilat jane ekskluzivitet i subjekteve te mesiperme. Afati i njoftimit per keto subjekte do te jete 5 (pese) dite perpara kryerjes se punimeve.
18. Kjo Kontrate hartohet ne 6 kopje, 1 per Kontraktorin dhe 5 per Bashkine Fier dhe pasi lexohet nga palet, nenshkruhet prej tyre me vullnet te lire ne Fier sot me date 07/10/2017.

Adresa :

Bashkia Fier, L. "Kastriot", Rr. "Brigada e XI Sulmuese"
Rr. "Jani Bakalli" Fier
Tel/Fax : 034 22 25 87 www.bashkiafier.gov.al

Adresa :

"A.L-Asfalt" shpk : Xhafzotaj; Prane Kryqezimit 4 rruget
Durrës

Për dhe në emër të :

Për dhe në emër të :

Bashkimit të perkohshem të shoqerive
"A.L-Asfalt" shpk Durrës & "Eurondertim 2000" shpk Tirane

AUTORITETIT KONTRAKTOR

BASHKIA FIER

Armando SUBASHI

MEJANAR-KASTRIOTI



KONTRAKTORI

"A.L-Asfalt" shpk & "Eurondertim 2000" shpk

Luan MEMA
Luan MEMA
PËRFAQËS I ESL I GJIOR

